

四庫全書

子部

欽定四庫全書

子部
齊民要術卷八

詳校官中書臣徐志晉

編修臣倉聖脈覆勘

總校官中書臣朱鈺

校對官中書臣朱斲

謄錄貢生臣陳昌敬

欽定四庫全書

齊民要術卷七

後魏

賈思勰

撰

貨殖第六十三

塗墍第六十四

造神麴餅酒第六十五

白醪酒第六十六

笨麴餅酒第六十七

法酒第六十八

貨殖第六十二

范蠡曰計然云旱則資車水則資舟物之理也白圭曰
趣時若猛獸鷙鳥之發故曰吾治生猶伊尹呂尚之謀
孫吳用兵商鞅行法是也漢書曰秦漢之制列侯封君
食租歲率戶二百千戶之君則二十萬朝覲聘饗出其
中庶民農工商賈率亦歲萬息二千百萬之家則二十
萬而更徭租賦出其中故曰陸地牧馬二百蹠孟康曰
五十足
也蹠古
蹄字牛蹠角千孟康曰一百六十七頭千足羊師古
曰凡

言千足者二百五十頭也澤中千足鼯水居千石魚陂師古曰言有大陂養魚一

歲收魚千石魚山居千章之楸楸木千章者大枚也師古曰大材曰章解在百

官公安邑千樹棗燕秦千樹栗蜀漢江陵千樹橘淮北以斤兩為計

柴南齊河之間千樹楸陳夏千畝漆齊魯千畝桑麻渭

川千畝竹及名國萬家之城帶郭千畝鍾之田孟康曰一鍾受

六斛四斗師古曰一畝收鍾者凡千畝若干畝梔茜孟康曰茜草梔子可用漆也千畦

薑韭此其人皆與千戶侯等諺曰以貧求富農不如工

工不如商刺繡文不如倚市門此言末業貧者之資也

師古曰言其易以得利也

通邑大都酤一歲干釀

師古曰干釀以釀酒醢醬干

瓊

胡雙反師古曰瓊長頭是也受十升

醬干儋

孟康曰儋石甕師古曰儋人儋之也一儋兩甕儋音

丁濫反

屠牛羊彘干皮販穀糶干鍾

師古曰謂常糶取而居之薪藁干

車船長千丈木干章

洪同方葉草材也舊將作大匠掌材者曰章曹椽

竹竿萬

个輶車百乘

師古曰輶車輕小車也

牛車千兩木器漆者千枚銅

器干鈞

鈞三十斤也

素木鐵器若梘齒干石

孟康曰百二十斤為石素木素

也馬蹠噉干

師古曰噉口也蹠與口共干則為馬二百也噉江鈞反

牛干足羊彘

干雙僮手指干

孟康曰僮奴婢也古者無空手游口皆有作務須手指故曰手指以別馬牛蹄

角也師古曰手指謂有
巧伎者指干則人百
筋角砂千斤其帛絮細布干鈞

文采干疋

師古曰文文繒也
帛之有色者曰采

荅布皮革干石

孟康曰荅
布白疊也

師古曰粗厚之布也其價賤故與皮
革同其量耳非白疊也荅者重厚貌

漆干大斗

師古曰
大斗者

異於量米粟之斗
也今俗猶有大量

藁麩鹽鼓干合

師古曰藁藁以斤石
稱之輕重齊則為合

鹽鼓則斗斛量之多少等亦為合者相配耦之言耳今
西楚荆沔之俗賣鹽鼓各一斗則各為襄而相隨焉此

則合也說者不曉廼讀為升合之
合又改作占競為解說失之遠矣

鮎鯿千斤

師古曰鮎
海魚也鯿

刀魚也飲而不食者鮎音胎又音落鯿音齊又音才爾
反而說者妄讀鮎為夷非惟失於訓物亦不知音矣

鰕干石鮑干鈞

師古曰鰕膊魚也即今不著鹽而乾者
也鮑今之鮑魚也鰕音輒膊音普各反

鮓音於業反而說者乃讀鮓為鮓魚之鮓音五回反失義遠矣鄭康成以為鮓於燻室乾之亦非也燻室乾之

即鮓耳蓋今巴荆人所呼鮓魚者是也音居偃反秦始皇載鮓亂臭則是鮓魚耳而燻室乾者本不臭也燻音

蒲北棗栗千石者三之師古曰石孤貂裘千皮羔羊裘千

石師古曰孤貂貴故計其數羔羊賤故稱其量也旃席千具他果采千種師古曰

於山野采子貸金錢千貫節馭僧孟康曰節節物貴賤取果實也

比於千乘之家也師古曰僧者合會二家交易者也馭者其首率也馭音子朗反僧音工外反貪賈三

之廉賈五之孟康曰貪賈未當賣而賣未當買而買故得利少而十得其三廉賈貴乃賣賤乃買

故十得亦比千乘之家此其大率也卓氏曰吾聞汶山之

下沃壑下有跂鷁至死不饑

孟康曰跂音躄水鄉多鷁其山下有沃壑灌溉師古

曰孟說非也跂鷁謂芋也有根可食以充糧故無饑年華陽國志曰汶山郡都安縣有大芋如躄鷁也諺曰富

何卒耕水窟貧何卒亦耕魯邴氏家起富至巨萬然自

父兄弟勤約俯有拾仰有取

淮南子曰賈多端則貧工多技則窮心不一也

高誘曰賈多端

非一術工多技非一能故心不一也

塗甕第六十三

凡甕七月坯為上八月為次餘月為下凡甕無問大小

皆須塗治甕津則造百物皆惡悉不成所以時宜留意

新出窰及熱脂塗者大良若市買者先宜塗治勿使盛

水

未塗遇雨亦惡

塗法掘地為小圓坑

傍開兩道以引風火

生炭火於坑

中合甕口於坑上而熏之

火盛喜破微則難熱務令調適乃佳

數以手摸

之熱灼人手便下寫熱脂於甕中迴轉濁流極令周匝

脂不復滲

所陰切

乃止

牛羊脂為第一好豬脂亦得俗人用麻子脂者誤人耳若脂不獨流

直一編拭之亦不免津俗人塗土蒸甕者水氣亦不佳

以熱湯數斗著甕中滌盪

䟽洗之瀉卻滿盛冷水數日便中用

日時更洗淨日曝令乾

造神麩餅酒第六十四

安麩在藏
瓜卷中

凡作三斛麥麩法蒸炒生各一斛炒麥黃莫令焦生麥
擇治甚令精好種各別磨磨欲細磨乾合和之七月取
甲寅日使童子著青衣日未出時面向殺地汲水二十
斛勿令人潑水水多亦可瀉却莫令人用其和麩之時
面向殺地和之令使絕強團麩之人皆是童子小兒亦
面向殺地有行穢者不使不得令入室近團麩當日使
訖不得隔宿屋用草屋勿使用瓦屋地須淨掃不得穢

惡勿令濕畫地為阡陌周成四巷作麩人各置巷中假置麩王王者五人麩餅隨阡陌比肩相布訖使主人家一人為主莫令奴客為主與王酒脯之法濕麩王手中為椀中盛酒脯湯餅主人三徧讀文各再拜其房欲得板戶密泥塗之勿令風入至七日開當處翻之遷令泥戶至二七日聚麩還令塗戶莫使風入至三七日出之盛著甕中塗頭至四七日穿孔繩貫日曝欲得使乾然後內之其餅麩手團二寸半厚九分

祝麩文

東方青帝土公青帝威神南方赤帝土公赤帝威神西方白帝土公白帝威神北方黑帝土公黑帝威神中央黃帝土公黃帝威神某年月某日辰朔日敬啟五方五土之神主人某甲謹以七月上辰造作麥麩數千百餅阡陌縱橫以辨疆界須建立五王各布封境酒脯之薦以相祈請願垂神力勤鑒所願使蟲類絕蹤穴蟲潛影衣色錦布或蔚或炳殺熱火熾以烈以猛芳越椒熏味

超和鼎飲利君子既醉既逞惠彼小人亦恭亦靜敬告再三格言斯整神之聽之福應自冥人願無為希從畢永急急如律令祝三遍各再拜

造酒法全餅麴曬經五日許日三過以炊帚刷治之絕令使淨若遇好日可三日曬然後細刷布帨盛高屋厨上曬經一日莫使風土穢汚乃平量麴一斗臼中受令碎若浸麴一斗與五升水浸麴三日如魚眼湯沸酸米其米絕令精細淘米可二十遍酒飯人狗不令噉淘水

及炊釜中水為酒之具有所洗浣者悉用河水佳也

若作秫黍米酒一斗麴殺米二石一斗第一酸米三斗
停一宿酸米五斗又停再宿酸米一石又停三宿酸米
三斗其酒飯欲得弱炊炊如食飯法舒使極冷然後納
之

若作糯米酒一斗麴殺米一石八斗唯三過酸米畢其
炊飯法直下饋不須報蒸其下饋法出饋甕中取釜下

沸湯澆之僅沒飯便止

此元僕
射家法

又造神麩法其麥蒸炊生三種齊等與前同但無復阡陌酒脯湯餅祭麩王及童子手團之事矣預前事麥三種合和細磨之七月上寅日作麩澁欲剛擣欲粉細作熟餅用圓鐵範令徑五寸厚一寸五分於平板上令壯士熟踏之以杵刺作孔淨揣東向開戶屋布麩餅於地閉塞窻戶密泥縫隙勿令通風滿七日翻之二七日聚之皆還密泥三七日出外日中曝之令燥麩成矣任意舉閣亦不用甕盛甕盛者則麩烏腹烏腹者透孔黑爛

若欲多作者任人耳但須三麥齊等不以三石為限此
麴一斗殺米三石笨麴一斗殺米六斗省費懸絕如此
用七月七日焦麥麴及春酒麴皆笨麴法

造神麴黍米酒方細剉麴燥曝之麴一斗水九斗米三
石須多作者率以此加之其甕大小任人耳桑欲落時
作可得周年停初下用米一石次酸五斗又四斗又三
斗以漸待米消即酸無令勢不相及味足沸定為熟氣
味雖正沸未息麴勢未盡宜更酸之不酸則酒味苦薄

矣得所者酒味輕香實暘凡麴初釀此酒者率多傷薄
何者猶以凡麴之意忖度之盖用米既少麴勢未盡故
也所以傷薄耳不得令猪狗見所以專取桑落時作者
黍必令極冷也

又神麴法以七月上寅日造不得令雞狗見及食者麥
多少分為三分蒸炒二分正等其生者一分一石上加
一斗半各細磨和之溲時微令剛足手熟揉為佳使童
男小兒餅之廣三寸厚二寸須西廂東向開戶屋中淨

掃地地上布麩十字立巷令通人行四角各造麩奴一枚訖泥戶勿令泄氣七日開戶翻麩還塞戶二七日聚又塞之三七日出之作酒時治麩如常法細釀為佳造酒法用黍米一斛神麩二斗水八升米初下米五斗必令五六十遍淘之二醖七斗米三醖八斗米滿二石米已外任意斟裁然要須米微多米少酒則不佳冷煖之法悉如常釀要在精細也

神麩粳米醪法春月釀之燥麩一斗用水七斗粳米二

石四斗浸麴發如魚眼湯淨淘米八斗炊作飯舒令極冷以毛袋漉去麴滓又以絹濾之麴汁於甕中即酸飯候米消又酸八斗消盡又酸八斗凡三酸畢若猶苦者更以二斗酸之此合醅飲之可也

又作神麴方以七月中旬巳前作麴為上時亦不必要須寅日二十日巳後作者麴漸弱凡屋皆得作亦不必要須東向開戶草屋也大率小麥生炒蒸三種等分曝蒸者令乾三種合和碓昉淨簸擇細磨羅取麩更重磨

唯細為良麤則不好劉胡菜煮三沸湯待冷接取清者
溲麪以相著為限大都欲小剛勿令太澤擣令可團便
止亦不必滿干杵以手團之大小厚薄如蒸餅劑令下
微浥浥刺作孔丈夫婦人皆團之不必須童男其屋預
前數日數著猫塞鼠窟泥壁令淨掃地布麪餅於地上
作行伍勿令相逼當中十字阡陌使通容人行作麪王
五人置之於四方及中央中央者面南四方者面皆向
內酒脯祭與不祭亦相似今從省市麪訖閉戶密泥之

勿使漏氣七日開戶翻麴還著本處泥閉如初二七日聚之若止三石麥麴者但作一聚多則分為兩泥閉如初三七日以麻繩穿之聚五十餅為一貫懸著戶內開戶勿令見日五日後出著外許懸之晝日曬夜受露霜不須覆蓋久停亦爾但不用被雨此麴得三年停陳者彌好

神麴酒方淨掃刷麴令淨有土處刀削去必使極淨及斧背椎破大小如棗栗斧刀則殺小用故紙糊席曝之

夜乃勿收令受霜露風陰則收之恐土汗及雨潤故也
若急須者麴乾則得從容者經二十日許受霜露彌令
酒香麴必須乾潤濕則酒惡春秋二時釀者皆得過夏
熱桑落時作者及勝於春桑落時稍冷初浸麴與春同
及下釀則如甕止取微煖勿太厚太厚則傷熱春則不
須置甕於塼上秋以九月或十九日收水春以正月十
五日或以晦日及二月二日收水當日即浸麴此四日
為上時餘日非不得作恐不耐久收水法河水第一好

遠河者取極甘井水小鹹則不佳

清麴法春十一日或十五日或二十日所以
爾者寒煖有早晚故也但候麴香沫起便下釀過久麴
生衣則為失候失候則酒重鈍不復輕香米必細眇淨
淘三十許遍若淘米不淨則酒色重濁大率麴一斗春
用水八斗秋用水七斗秋殺米三石春殺米四石初下
釀用黍米四斗再餽弱炊必令均熟勿使堅剛生闕也
於席上攤黍令極冷貯出麴汁於盆中調和以手搗破

之無塊然後內甕中春以兩重布覆秋於布上加氈若
值天寒亦可加草一宿再宿候米消更酸六斗第三酸
用米或七八斗第四第五第六酸用米多少皆候麴勢
強弱加減之亦無定法或再宿一酸三宿一酸無定準
惟須消化乃酸之每酸皆挹取甕中汁調和之僅得和
黍破塊而已不盡貯出每酸即以酒杷遍攪令均調和
然後蓋甕雖言春秋二時殺米三石四石然須善候麴
勢麴勢未窮米猶消化者便加米唯多為良世人云米

過酒甜此乃不解法候酒冷沸止米有不消者便是麴
勢盡酒若熟矣押出清澄竟夏直以單布覆甕口斬席
蓋布上慎勿甕泥甕泥封交即酢壞冬亦得釀但不及
春秋耳冬釀者必須厚如甕覆蓋初下釀則黍小煖下
之一發之後重醱時還攤黍使冷酒發極煖重釀煖黍
亦酢矣其大甕多釀者依法加倍之其糠瀋雜用一切
無忌

河東神麴方七月初治麥七日作麴七日未得作者七

月二十日前亦得麥一石者六斗炒三斗蒸一斗生細磨之桑葉五分蒼耳一分艾一分茱萸一分若無茱萸野蓼亦得用合煮取汁令如酒色澆出滓待冷以和麩勿令太澤擣干杵餅如凡麩方範作之

卧麩法先以麥麩布地然後著麩訖又以麥麩覆之多少作者可用箔槌如養蠶法覆訖閉戶七日翻麩還以麥麩覆之二七日聚麩亦還覆之三七日甕盛後經七日然後出曝之

造酒法用黍米麴一斗殺米一石秫米令酒薄不任事
治麴必使表裏四畔孔內悉皆淨削然後細剉令如棗
栗曝使極乾一斗麴用水一斗五升十月桑落初凍則
收水釀者為上時春酒正月晦日收水為中時春酒河
南地煖二月作河北地寒三月作大率用清明節前後
耳初凍後盡年暮水脉既定收取則用其春酒及餘月
皆須煮水為五沸湯待冷浸麴不然則動十月初凍尚
煖未須茹甕十一月十二月須黍穰茹之浸麴冬十日

春七日候麴發氣香沐起便釀隆冬寒厲雖日茹甕麴
汁猶凍臨下釀時宜澆出凍凌於釜中融之取液而已
不得令熱凌液盡還瀉著甕中然後下黍不爾則傷冷
假令甕受五石米者初下釀止用米一石淘米須極淨
水清乃上炊為饋下著空甕中以釜中炊湯及熱沃之
令饋上水水深一寸餘便止以盆合頭良久水盡饋極
熟軟便於席上攤之使令貯汁於盆中搗黍令破瀉著
甕中復以酒杷攪之每酸皆然唯十一月十二月天寒

水凍黍須人體煖下之桑落春酒悉皆冷下初冷下者
酸亦冷初煖下者酸亦煖不得迴易冷熱相雜次酸八
斗次酸七斗皆須候麴蘖強弱增減耳亦無定數大率
中分半米前作沃饋半後作再餽黍純作沃饋酒便鈍
再餽黍酒便輕香是以須中半耳各釀六七酸春作七
八酸冬欲酒煖春欲酒冷酸米太多則傷熱不能久春
以單布覆甕冬用薦蓋之冬初下釀時以炭火擲著甕
中投刀橫於甕上酒熟乃去之冬釀十五日熟春釀十

日熟至五月中甕別椀盛於日中炙之好者不動惡者
色變色變者宜先飲之好者留過夏但合醅停須臾便
押出還得與桑落時相接地窖著酒令酒土氣唯連簷
草屋中居之為佳瓦屋亦熟作麴浸麴炊釀一切悉用
河水無手力之家乃用甘井水耳

淮南萬畢術曰酒薄復厚漬以莞蒲

斷蒲漬酒中有頃
出之酒則厚矣

凡冬月釀酒中冷不發者以瓦瓶盛熱湯堅塞口又於
釜湯中煮瓶令極熱引出著酒甕中須臾即發

白醪麴第六十五

皇甫吏
部家法

作白醪麴法取小麥三石一石熬之一石蒸之一石生
三等合和細磨作屑煮胡葉湯經宿使冷和麥屑搗令
熟踏作餅圓鐵作範徑五寸厚一寸餘牀上置箔箔上
安蘆蔭蘆蔭上置桑薪灰厚二寸作胡葉湯令沸籠子
中盛麴五六餅許著湯中少時出臥置灰中用生胡葉
覆上以經宿勿令露濕特覆麴薄徧而已七日翻二七
日聚三七日收曝令乾作麴密屋泥戶勿令風入若以

牀小不得多著麩者可四角頭堅槌重置椽箔如養蠶
法七月作之

釀白醪法取糯米一石令水淨淘漉出著甕中作魚眼
沸湯浸之經一宿米欲絕酢炊作一餛飯攤令絕冷取
魚眼湯沃浸米泔二斗煎取六升者甕中以竹掃衝之
如茗渤復取水六斗細羅麩末一斗合飯一時內甕中
和攪令飯散以氈物裹甕并口覆之經宿米消取生疎
布漉出糟別炊好糯米一斗作飯熟著酒中為汎以單

布覆甕經一宿汎米消散酒味備矣若天冷停三五日
彌善一釀一斛米一斗麴末六斗水六升浸米漿若欲
多釀依法別甕中作不得作在一甕中四月五月六月
七月皆得作之其麴預三日以水洗令淨曝乾用之

笨麴餅酒第六十六

笨符
本切

作秦州春酒麴法七月作之節氣早者望前作節氣晚
者望後作用小麥不蟲者於大鑊釜中炒之炒法釘大
榘以繩緩縛長柄七匙著榘上緩火微炒其著匙如挽

棹法連疾攪之不得暫停停則生熟不均候麥香黃便
出不用過焦然後簸擇治令淨磨不求細細者酒不斷
麤剛強難押預前數日刈艾擇去雜草曝之令萎勿使
有水露氣溲欲剛灑水欲均初溲時手搦不相著者佳
溲訖聚置經宿來晨熟搗作木範之令餅方一尺厚二
寸使壯士熟踏之餅成刺作孔監搥布艾掾上臥麩餅
艾上以艾覆之大率下艾欲厚上艾稍薄密閉窻戶三
七日麩成打破看餅內乾燥五色衣成便出曝之如餅

中未燥五色衣未成更停三五日然後出反覆日曬令極乾然後高厨上積之此麩一斗殺米七斗

作春酒法治麩欲淨剉麩欲細曝麩欲乾其法以正月晦日多收河水井水苦鹹不堪淘米下饋亦不得大率一斗麩殺米七斗用水四斗率以此加減之十七石甕惟得釀十石米多則溢出作甕隨大小依法加減浸麩七八日始發便下釀假令甕受十石米者初下以炊米兩石為再留黍黍熟以淨蓆薄攤令冷塊大者擘破然

後下之沒水而已勿更撓勞待至明旦以酒耙攪之自然解散也初下即搗者酒喜厚濁下黍訖以蓆蓋之已後間一日輒更酸皆如初下法第二酸用米一石七斗第三酸用米一石四斗第四酸用米一石一斗第五酸用米一石第六酸第七酸各用米九斗計滿九石作三五日傳著嘗之氣味足者乃罷若猶少味者更酸三四斗數日復嘗仍未足者更酸三二斗數日復嘗麴勢壯酒仍苦者亦可過十石然必須看候勿使米過過則酒

甜其七酸以前每欲酸時酒薄霍霍是麴勢盛也酸時宜加米與次前酸等雖勢極盛亦不得過次前一酸斛米也勢弱酒厚者須減米三斗勢盛不加便為失候勢弱不減剛強不削加減之間必須存意若多作五甕已上者每炊熟即須均分熟黍令諸甕徧得若徧酸一甕令足則餘甕比候黍熟已失酸矣酸當令寒食前得再酸乃佳過此便稍晚若邂逅不得早釀者春水雖臭仍自中用淘米必須極淨常洗手剔甲勿令手有鹹氣則

令酒動不得過夏

作頤麴法斷理麥艾布置法悉與春酒麴同然以九月中作之大凡作麴七月最良然七月多忙無暇及此且頤麴然此麴九月作亦自無嫌若不營春酒麴者自可七月中作之俗人多以七月初七日作之

崔寔亦曰六月六日七月七日可作其麴殺米多少與春酒麴同但不中為春酒喜動以春酒麴作頤酒彌佳也

作頤酒法八月九月中作者水定難調適宜煎湯三四沸待冷然後浸麴酒無不佳大率用水多少酸米之節略準春酒而須以意消息之十月桑落時者酒氣味頗類春酒

河東頤白酒法六月七月作用笨麴陳者彌佳剗治細剗麴一斗熟水三斗黍米七斗麴殺多少各隨門法常於甕中釀無好甕者用先釀酒大甕淨洗曝乾側甕著地作之旦起煮甘水至日午令湯色白乃止量取三斗

著盆中日西淘米四斗使淨即浸夜月炊作再餽飯令
四更中熟下黍飯席上薄攤令極冷於黍飯初熟時浸
麴向曉昧旦日未出時下釀以手搗破塊仰置勿蓋日
西更淘三斗米浸炊還令四更中稍熟攤極冷日未出
前醞之亦搗塊破明日便熟押出之酒氣香美乃勝桑
落時作者六月中唯得作一石米酒停得三五日七月
半後稍稍多作於北向戶大屋中作之第一如無北向
戶屋於清涼處亦得然要須日未出前清涼時下黍日

出已後熱即不成一石米者前炊五斗半後炊四斗半
笨麴桑落酒法預前淨剉麴細剉曝乾作釀池以藁茹
甕不如甕則酒甜用穰則太熱黍米淘須極淨九月九
日日未出前收水九斗浸麴九斗當日即炊米九斗為
饋下饋著空甕中以釜內炊湯及熱沃之令饋上游水
深一寸餘便止以盆合頭良久水盡饋熟極軟瀉著蓆
上攤之令冷挹取麴汁於甕中搗塊令破瀉甕中復以
酒杷攪之每酸皆然兩重布蓋甕口七日一酸每酸皆

用米九斗隨甕大小以滿為限假令六酸半前三酸皆用沃饋半後三酸作再餽黍其七酸者四炊沃饋三炊黍飯甕滿好熟然後押出香美勢力倍勝常酒

笨麴白醪酒法淨削治麴曝令燥清麴必須累餅置水中以水沒餅為候七日許搗令破漉出滓炊糯米為黍攤令極冷以意酸之且飲且酸乃至盡粃米亦得作作時必須寒食前令得一酸之也

蜀人作醪酒法

醪音塗

十二月朝取流水五斗漬小麥麴

二斤密泥封至正月二月凍釋發澆去滓但取汁三斗殺米三斗炊作飯調強軟合和復密封數十日便熟合滓餐之甘辛滑如甜酒味不能醉人人多啖溫溫小煖而面熱也

梁米酒法凡梁米皆得用赤梁白梁者佳春秋冬夏四時皆得作滓治麴如上法笨麴一斗殺米六斗神麴彌勝用神麴量殺多少以意消息春秋桑葉落時麴皆細剉冬則搗末下絹漚大率一石米用水三斗春秋桑落

三時冷水浸麴發漉去滓冬即蒸甕使熟穰茹之以
所量水煮少許梁米薄粥攤待溫溫以浸麴一宿麴發
便炊下釀不去滓看釀多少皆平分米作三分一分一
炊淨淘弱炊為再餹攤令溫溫煖於人體便下以杷攪
之盆合泥封夏一宿春秋再宿冬三宿看米好消更炊
酸之還封泥第三酸亦如之三酸畢後十日便好熟押
出酒色漂漂與銀光一體薑辛桂辣蜜甜膽苦悉在其
中芬芳酷烈輕雋道爽超然獨異非黍秫之儔也

糝米耐法

耐音宙

淨治麩如上法笨麩一斗殺米六斗神

麩彌勝用神麩者隨麩殺多少以意消息麩搗作末下

絹篋計六斗米用水一斗從釀多少率以此加之米必

須睇淨淘米清乃止即經宿浸置明旦碓搗作粉稍稍

箕簸取細者如糕粉法訖以所量水煮少許糝粉作薄

粥自餘粉悉於甑中乾蒸令氣好留下之攤令冷以麩

末和之極令調均粥温温如人體時於甑中粉痛抨使

均柔令相著亦可椎打如椎麩法擘破塊內著甑中盆

合泥封裂則更泥封勿令漏氣正月作至五月大雨後
夜暫開看有清中飲還泥封至七月好熟接飲不押三
年停之亦不動一石米不過一斗糟悉著甕底酒盡出
時水硬糟肥欲似灰石酒色似麻油甚醞先能飲好酒
一斗者唯禁得升半飲三升大醉三升不澆大醉必死
凡人大醉醕酖無知身體壯熱如火者作熱湯以冷解
名曰生熟湯湯令均小熱得通人手以澆醉人湯淋處
即冷不過數斛湯迴轉翻覆通頭面痛淋須臾起坐與

人此酒先問飲多少裁量與之若不語其法口美不能
自節無不死矣一斗酒醉二十人得者無不傳餉親知
以為恭

黍米耐法亦以正月作七月熟淨治麴搗末絹篋如上
法笨麴一斗殺米六斗用神麴彌佳亦隨麴殺多少以
意消息米細舂淨淘弱炊再餽黍攤冷以麴末於甕中
和之按令調均擘破塊著甕中盆合泥封五月暫開悉
同糝耐法芬香美釀皆亦相似釀此二醞常宜謹慎多

喜殺人以飲少不言醉死正疑藥殺尤須節量勿輕飲之

粟米酒法唯正月得作餘月悉不成用笨麴不用神麴粟米皆得作酒然青穀米最佳治麴淘米必須細淨以正月一日日未出前取水日出即曬麴至正月十五日搗麴作末即浸之大率麴末一斗堆量之水八斗殺米一石米平量之隨甕大小率以此加以向滿為度隨米多少皆平分為四分從初至熟四炊而已預前經宿浸

米令液以正月晦日向暮炊釀正作饋耳不為再餽飯
欲熟時預前作泥置甕邊饋熟即舉甌就甕下之速以
酒耙在甕中攪作三兩遍即以盆合甕口泥密封勿令
漏氣看有裂處更泥封七日一酸皆如初法四酸畢四
七二十八日酒熟此酒要須用夜不得白日四度酸者
及初押酒時皆迴身映火勿使燭明及度酒熟便堪飲
未急待且封置至四五月押之彌佳押訖還泥封須便
擇取蔭屋貯置亦得度夏氣味香美不減黍米酒貧薄

之家所宜用之黍米貴而難得故也

又造粟米酒法預前細剉麴曝令乾末之正月晦日日未出時收浸麴一斗麴用水七斗麴發便下釀不限日數米足便休為異耳自餘法用一與前同

作粟米爐酒法五月六月七月中作之倍美受兩石以下甕子以石子二三升蔽甕底夜炊粟米飯即攤之令冷夜得露氣雞鳴乃和之大率米一石殺麴米一斗春酒糟末一斗粟米飯五斗麴殺若多少計須減飯和法

痛按令相雜填滿甕為限以紙蓋口搏押上勿泥之恐
大傷熱五六日後以手內甕中看令無熱氣便熟矣酒
停亦得二十許日以冷水澆筒飲之醕出者歇而不美
魏武帝上九醕法奏曰臣縣故令九醕春酒法用麴三
十斤流水五石臘月二日清麴正月凍解用好稻米漉
去麴滓便釀法引曰譬諸蟲雖久多完三日一釀滿九
石米止臣得法釀之常善其上清滓亦可飲若以九醕
苦難飲增為十釀易飲不病九醕用米九斛十釀用米

十斛俱用麴三十斤但米多少耳治麴淘米一如春酒法

浸藥酒法以此酒浸五加木皮及一切藥皆有益神効用春酒麴及笨麴不用神麴糖瀋埋藏之勿使六畜食治麴法須斫去四緣四角上下兩面皆三分去一孔中亦剗去然後細剉燥曝末之大率麴末一斗用水一斗半多作以此加之釀用黍必須細舂淘欲極淨水清乃止用米亦無定方準量麴勢強弱然其米要須均分為

七分一日一酸莫令空闕闕即折麪勢力七酸畢便止
熟即押出之春秋冬夏皆得作如甕厚薄之宜一與春
酒同但黍飯攤使極冷冬即須物覆甕其所去之麪猶
有力不廢餘用耳

博物志胡椒酒法以好春酒五升乾薑一兩胡椒七十
枚皆搗末好美安石榴五枚押取汁皆以盡薑椒末及
安石榴汁悉內著酒中火煖取溫亦可冷飲亦可熱飲
溫中下氣若病酒苦覺體中不調飲之能者四五升不

能者可二三升從意若欲增薑椒亦可若嫌多欲減亦可欲多作者當以此為率若飲不盡可停數日此胡人所謂葦撥酒也

食經作白醪酒法生秣米一石方麴二斤細剉以泉水漬麴密蓋再宿麴浮起炊米三斗酸之使和調蓋滿五日乃好酒甘如乳九月半後可作也

作白醪酒法用方麴五斤細剉以流水三斗五升漬之再宿炊米四斗冷酸之令得七斗汁凡三酸濟令清又

炊一斗米酸酒中攪令和解封四五日黍浮縹色上便可飲矣

冬米明酒法九月漬清稻米一斗擣令細末沸湯一石澆之麴一斤末攪和三日極酢合二斗釀米炊之氣刺人鼻便為大發攪成用方麴十五斤酸之米三斗水四斗合和釀之也

夏米明酒法秣米一石麴三斤水三斗漬之炊三斗米酸之凡三濟出炊一斗酸酒中再宿黍浮便可飲之

朗陵何公夏封清酒法細剉麴如雀頭先布甕底以黍一斗次第用水五升澆之泥著日中七日熟

愈瘧酒法四月八月作用水一石麴一斤搗作末俱酸水中酒酢煎一石取七斗以麴四斤須漿冷酸麴一宿上生白沫起炊秫一石冷酸中三日酒成

作鄴酒法鄴盧丁反以九月中取秫米一石六斗炊作飯以

水一石宿漬麴七斤炊飯令冷酸麴汁中覆甕多用荷箬令酒香燥復易之

作和酒法酒一斗胡椒六十枚乾薑一分雞舌香一分
萹撥六枚下篋絹囊盛內酒中一宿蜜一升和之

作夏雞鳴酒法秫米二升煮作糜麴二斤搗合米和令
調以水五斗漬之封頭今日作明旦雞鳴便熟

作樞酒法四月取樞葉合花采之還即急抑著甕中六
七日悉使烏熟曝之煮三四沸去滓內甕中下麴炊五
斗米日中可燥手一兩抑之一宿復炊五斗米酸之便
熟

柯施酒法

施良
知反

二月二日取水三月三日煎之先攪麴

中水一宿乃炊黍米飯日中曝之酒成也

法酒第六十七

釀法皆用春酒麴其米糠滓汁饋飯皆不用人及狗鼠食之

黍米法酒預剉麴曝之令極燥三月三日秤麴三斤三兩取水三斗三升浸麴經七日麴發細泡起然後取黍米三斗三升淨淘凡酒米皆欲極淨水清乃止法酒尤

宜存意淘米不得淨則酒黑炊作再餽飯攤使冷著麴
汁中搗黍令散兩重布蓋甕口候米消盡更炊四斗半
米酸之每酸皆搗令散第三酸炊米六斗自此以後每
酸以漸和米甕無大小以滿為限酒味醇美宜合醅飲
食之飲半更炊米重酸如初不著水麴唯以漸加米還
得滿甕竟夏飲之不能窮盡所謂神異矣

作當梁酒法當梁下置甕故曰當梁以三月三日未
出時取水三斗三升乾麴末三斗三升炊黍米三斗三

升為再餽黍攤使極冷水麴黍俱時下之三月六日炊
米六斗酸之三月九日炊米九斗酸之自此以後米之
多少無復斗數任意酸之滿甕便止若欲取者但言偷
酒勿云取酒假令出一石還炊一石米酸之甕還復滿
亦為神異其糠瀋悉瀉坑中勿令狗鼠食之

秔米法酒糯米大佳三月三日取井花水三斗三升絹
篩麴末三斗三升秔米三斗三升糯米佳無者早稻米
亦得充事再餽弱炊攤令小冷先下水麴然後酸之七

日更酸用米六斗六升一七日更酸用米一石三斗二升二七日更酸用米二石六斗四升乃止量酒備足便止合醅飲者不復封泥令清者以盆密蓋泥封之經七日便極清澄接取清者然後押之

食經七月七日作酒法方一石麴作煖餅編竹甕下羅餅竹上密泥甕頭二七日出餅曝令燥還內甕中一石米合得三石酒也

又法酒方焦麥麴末一石曝令乾煎湯一石黍一石合

糝令甚熟以二月二日收水即預煎湯停之令冷初酸之時十日一酸不得使狗鼠近之於後無苦或八日六日一酸會以偶日酸之不得隻日二月中節酸令足常預煎湯停之酸畢以五升洗手蕩甕其米多少依焦麴殺之

三九酒法以三月三日收水九斗米九斗焦麴末九斗先曝乾之一時和之揉和令極熟九日一酸後五日一酸後三日一酸勿令狗鼠近之會以隻日酸不得以偶

日也使三月中即令酸足常預作湯甕中停之酸畢輒取五升洗手蕩甕傾於酒甕中也

治酒酢法若十石米酒炒三升小麥令甚黑以絳帛再重為袋用盛之周築令硬如石安在甕底經二七日後飲之即廻

大州白墜麴方餅法穀三石蒸兩石生一石別磴之令細然後合和之也桑葉胡荽葉艾葉各二尺圍長二尺許合煮之使爛去滓取汁以冷水和之如酒色和麴燥濕

以意酌量白中搗三千六百杵訖餅之安置煖屋牀上
先布麥稽厚二寸然後置麩上亦與稽二寸覆之閉戶
勿使露見風日一七日冷水濕手拭之令遍即翻之至
二七日一例側之三七日籠之四七日出置日中曝令
乾作酒之法淨削刮去垢打碎末令乾燥十斤麩殺米
一石五斗

作桑落酒法麩末一斗熟米二斗其米令精細淘淨水
清為度用熟水一斗限三酸便止清麩候向發便酸不

得矣失時勿令小兒人狗食黍作春酒以冷水漬麴餘
同冬酒

齊民要術卷七

欽定四庫全書

齊民要術卷八

後魏

賈思勰

撰

黃衣黃蒸及藥子第六十八

常滿鹽花鹽第六十九

作醬等法第七十

作醋等法第七十一

作豉等法第七十二

八和齋第七十三

作鮓等法第七十四

作脯腊等法第七十五

作羹臠第七十六

作蒸焦第七十七

臑脂煎消第七十八

菹緣等法第七十九

黃衣黃蒸及藥第六十八

黃衣一名麥統

作黃衣法

六月中取小麥淨淘訖於甕中以水浸之令醋澆出熟蒸之槌箔上敷席置麥於上攤令

厚二寸許預前一日刈葷葉覆無葷葉者刈胡葷擇去
雜草無令有水露氣候麥冷以胡葷覆之七月看黃衣
色足便出曝之令乾去胡葷而已慎勿颺簸齊人喜當
風颺去黃衣此大謬凡有所造作用麥殼者皆仰其衣
為勢今反颺去
之物必不善

作黃蒸法

七月中取生小麥細磨之以水澀而蒸之氣
餽好熟便下之攤令冷布置覆蓋成就一如

麥殼法亦勿颺
之慮其所損

作藥法

八月中作盆中浸小麥即傾去水日曝之一日
一度著水即去之腳生布麥於席上厚二寸一

日一度以水澆之芽生便止即散收令乾勿使餅餅成
則不復任用此煮白錫藥若煮黑錫即待芽生青成餅
然後以刀剗取乾之欲令錫
如琥珀色者以大麥為其藥

孟子曰雖有天下易生之物一日曝之十日寒之未有能生者也

常滿鹽花鹽第六十九

造常滿鹽法

以不津甕受十石者一口置庭中石上以白鹽滿之以甘水泛之今上恒有游水須

用時挹取煎即成鹽還以甘水添之取一升添一升日曝之熱甚還即成鹽永不窮盡風塵陰雨則蓋天晴淨還仰若黃鹽鹹水者鹽汁則苦是必須白鹽甘水

造花鹽印鹽法

五月中早時取水二斗以鹽一斗投水中令消盡又以鹽投之水鹹極則鹽不

復消融易器淘治沙汰之澄去垢土瀉清汁於淨器中鹽甚白不廢常用又一石還得八斗汁亦無多損好日

無風塵時日中曝令成鹽浮即便是花鹽厚薄先澤似
鍾乳久不接取即成印鹽大如豆粒四方千百相似而
成印輒沉澆取之花印一
鹽白如珂雪其味又美

作醬法第七十

十二月正月為上時二月為中時三月為下時用不津

甕

甕津則壞味酢者亦不中用之

置日中高處石上

夏雨無令水浸甕底以一銚鏹一本

作生

縮鉄釘子皆歲殺釘著甕底石下雖有姪娠婦人食之醬亦不壞爛也

用春種烏豆

粒小

而均晚

於大甑中燥蒸之氣餹半日許復貯出更

裝之迴在上居下

不爾則生熟不多調均也

氣餹周徧以灰覆之經

宿無令火絕

取乾牛屎圓累令中央空燃之不烟勢類好炭者能多收常用作食既無灰塵又不

失火勝於草遠矣

齧看豆黃色黑極熟乃下日曝取乾夜則聚覆無令

潤臨炊春去皮更裝入甑中蒸令氣餹則下一日曝之

明旦起淨簸擇滿臼春之而不碎若不重餹碎而難淨簸揀去碎

者作熱湯於大盆中浸豆黃良久淘汰按去黑皮湯少則漆

慎勿易湯易湯則走失豆味令醬不美也漉而蒸之淘豆湯汁即煮碎豆作醬以供旋食大醬則不

用一炊傾下置淨席上攤令極冷預前日曝白鹽黃蒸

草蒿居恤反麥麩令極乾燥藍色黃者發醬苦鹽若潤濕令醬壞黃蒸令醬赤美蒿令

醬芥芳蒿按鮫去草土麩及黃
蒸各別搗細末徒馬尾羅彌好
大率豆黃三斗麩末一

斗黃蒸末一斗白鹽五升蒿子三指一撮

鹽少令醬酢
後雖加鹽無

復美味其用神麩者一升
當笨麩三升殺多故也

豆黃堆量不槩鹽麩輕量平

槩三種量訖於盆中面向太歲和之

向太歲則
無蛆虫也

攪令均

調以手痛按皆令潤徹亦面向太歲內著甕中手按令

堅以滿為限半則難熟盆蓋密泥無令漏氣熟便開之

臘月五七日正月二月
四七日三月三七日

當縱橫裂周迴匝甕徹底生衣

悉貯出搗破塊兩甕分為三甕日未出前汲井花水於

盆中以燥鹽和之率一石水用鹽三斗澄取清汁又取

黃蒸於小盆內減鹽汁浸之接取黃滓漉去滓合鹽汁

瀉著甕中

率十石醬黃蒸三斗鹽水多少亦無定方醬如薄粥便是豆乾水故也

仰甕口

曝之

諺曰姜蕤葵日乾醬言其美矣

十日內每日數度以杷徹底攪之

十日後每日輒一攪三十日止雨即蓋甕無令水入

則生蟲

每經雨後輒須一攪解後二十日堪食然要百日

始熟耳

術曰若為妊娠婦人壞醬者取白葉棘子著甕中則還

好俗人用孝杖攪醬及炙甕醬雖回而胎損乞人醬時以新汲水一盞和而

與之令醬不壞

肉醬法牛羊麋鹿兔肉皆得作取良殺新肉去脂細剉

陳肉乾者不任用合時令醬膩曬麪令燥熟搗絹蓀大率肉一斗麪末

五升白鹽二升半黃蒸一升曝乾熟搗絹膩徒盤上和令均調

內甕子中有骨者和託先搗然後盛之骨多髓既肥膩醬亦然也泥封日曝寒月

作之埋黍穰積中二七日開看醬出無麪氣便熟矣買

新殺雉煮之令極爛肉銷盡去骨取汁待冷解醬雞汁亦得

無用陳肉令醬膩無雞
雉好酒解之還著日中

作卒成肉醬法牛羊麀鹿兔肉生魚皆得作細剉肉一

斗好酒一斗麴末五升黃蒸末一升白鹽一升

麴及黃蒸並曝

乾絹篋唯一月三十日停
是以不須鹹鹹則不美

盤上調和令均搗使熟擘碎

如棗大作浪中坎火燒令赤去灰水澆以草厚蔽之令

甜中纔容醬瓶大釜中湯煮空瓶令極熱出乾搗肉內

瓶中令去瓶口三寸

滿則近口者焦

碗蓋瓶口熟泥密封內草

中下土厚七八寸

土薄火熾則合醬焦熟遲氣味好焦是以寧冷不焦食雖便不復中食也

於上燃乾牛糞火通夜勿絕明日用時醬出便熟若未熟者

還覆置更燃如初

臨食細切葱白著麻油炒葱令熟以和肉醬

甜美異常也

作魚醬法

鮐魚鱗魚第一好鯉魚亦中鱗魚鮐魚即全作不用切

去鱗淨洗拭令

乾如膾法披破縷切之去骨大率成魚一斗用黃衣三

升

一升全用二升作末

白鹽二斤

黃鹽則苦

乾薑一升

末橘皮一合

縷切

之和令調均內甕子中泥密封日曝勿令漏氣熟以好酒解

之作魚醬肉醬皆以十二月作之則經夏無蟲餘月亦得作但

喜生蟲不
得度夏耳

乾鱈魚醬法

一名刀魚六月七月取乾鱈魚盆中水浸置屋裏一日三度易水三日好淨澆洗去

鱈全作勿切率魚一斗麩末四升黃蒸末一升無蒸用麥藥末亦得白鹽二升半於槃中和令調均布置甕子泥封勿令漏氣二七日便熟味香美與生者無殊異

食經作麥醬法

小麥一石漬一宿炊臥之令生黃衣以水一石六斗鹽三升煮作鹵澄取八斗

著甕中炊小麥投之攪令調均覆著日中十日可食

作榆子醬法

治榆子仁一升搗末篩之清酒一升醬五升合和一月可食之

又魚醬法

成膾魚一斗以麩五升酒二升鹽三升橘皮二葉合和於瓶內封一日可食甚美

作蝦醬法

蝦一斗飯三升為糝鹽一升水五升和調日中曝之經春夏不敗

作燥脰

始蟬反

法

羊肉二斤猪肉一斤合煮令熟細切之薑五片橘皮兩葉雞子十一枚生羊肉

一斤豆醬清五合先取熟肉甑上蒸令熟和生肉醬清薑橘皮和之

生脰法

羊肉一斤猪肉白四兩豆醬清漬之縷切生姜雞子春秋用蘇蓼著之

崔寔曰正月可作諸醬肉醬清醬四月立夏後鮑魚醬

五月可為醬上旬鷓

楚枝切

豆中廋煮之以碎豆作末都

至六七月之交分以藏瓜可作魚醬

作鮓鮓法

昔漢武帝逐夷至於海濱聞有香氣而不見物令人推求乃是漁父造魚腸於坑中以至

土覆之法香氣上達取而食之以為滋
味迤夷得此物因名之置魚腸醬也 取石首魚魷魚

鮠魚三種腸肚胞齊淨洗空著白鹽令小倍鹹內器中

密封置日中夏二十日春秋五十日冬百日乃好熟時

下薑酢等

藏蟹法九月內取母蟹

母蟹臍大圓竟腹
下公蟹狹而長

得則水中勿

令傷損及死者一宿腹中淨

久則吐黃吐
黃則不好

先煮薄糖

薄糖

餉著活蟹於冷糖甕中一宿著蓼湯和白鹽特須極鹹

待令甕盛半汁取糖中蟹內著鹽蓼汁中便死

蓼宜少
著多則

爛
泥封二十日出之舉蟹臍著薑末還復臍如初內著
坩甕中百箇各一器以前鹽蓼汁澆之令沒密封勿令
漏氣便成矣特忌風風則壞而不美也

又法直煮鹽蓼湯甕盛詣河所得蟹則內鹽汁裏滿便
泥封雖不及前味亦好值風如前法食時下薑末調黃
薑盛薑酢

作酢第七十一

酢者今醋也

凡酢甕下皆須安磚石以離濕潤為姪娘婦
人所壞者車轍中乾土未淘者甕中即還好

作大酢法

七月七日取水三斗粟米熟飯三斗攤令冷任甕大小依

法加之以滿為限先下麥甕次下水次下飯直置勿攪

之以綿幕甕口板刀橫甕上一七旦著井花水一碗三

七日旦又著一碗便熟常置一瓢瓢以

挹酢若用濕器內甕中則壞酢味也

秫米神酢法

七月七日作置甕於屋下大率麥甕一斗

水一石秫米三斗無秫者粘黍米亦中用

隨甕大小以向滿為限先量水浸麥甕訖然後淨淘米

炊而再餹攤令冷細擘麵破勿令有塊子二頓下釀更

不重投又以水就甕裏搗破小塊攪令如粥乃止

以綿幕口一七日一攪二七日一攪三七日亦二攪一

月日極熟十石甕不過五斗澱得數年停久為驗其

淘米泔即瀉去勿令狗鼠啖得食饋黍亦不得人啖

又法熟飯二斗隨甕大小以向滿為度水及黃衣當日

頓下之其飯分為三分七日初作時下一分當夜即沸
又三七日更炊一分投之又三日復投一分但綿幕甕
口無機刀益水
之事溢即加甑

又法

亦七月七日作大率麥麵一升水九升粟餅九升
一時頓下亦向滿為限綿幕甕口三七日熟前件

二種酢例清沙澱多至十月終如壓酒法毛
袋壓出則貯之其糟別甕水澄壓取先食也

粟米麩作酢法

七月二日向末為上時八月四月亦得
作大率笨麩末一斗井花水一石粟米

飯一石明旦作酢今夜炊飯薄攤使冷日未出前汲井
花水斗量若甕中量飯著盆中或栲栳中然後瀉飯著
甕中瀉時直傾之勿以手撥飯水量麩末蓋著飯上慎
勿撓攪亦勿移動綿幕甕口三七日熟美釀少澱久停
彌好凡酢未熟已熟而移甕者率多
壞矣熟則無忘接取清別甕著之

秫米醋法

五月五日作七月七日熟入五月則多收粟米飯醋醬以擬和釀不用水也醬以極醋為

佳末乾麩下絹篩經用稷秫米為第一黍米亦佳一石用麩末一斗麩多則醋不美唯再餹淘不用多遍初淘

潘汁為却其第二淘泔即餹以浸饋令飲泔汁盡重裝作再餹飯下禪去熟氣令如人體於盆中和之擘去飯

塊以麩拌之必令均調下漿醋更搗破如薄粥粥稠則醋尅稀則味薄內著甕中隨甕大小以滿為限七日間

於北蔭中風涼之處勿令見日時汲冷水遍澆甕外引去熱氣但勿令生水甕中取十石甕不過

五六斗糟耳接取清別甕貯之得停數年也

大麥酢法

七月七日作若七日不得作者必須收藏取七日水十五日作除此兩日則不成於屋裏

近戶裏邊置甕大率小麥甕一石水三石大麥細造一石不用作米則科麗是以用造簸訖淨淘炊作再餹飯

揮令小煖如人體下釀以耙攪之綿幕甕口二日便發
時數攪不攪則生白醪便不好以棘子徹底攪之恐有
人髮落中則壞醋悉爾亦去髮則還好六七日淨淘粟
米五升亦不用過細炊作再餽飯亦揮如人體投之耙
攪綿幕三四日看水消攪而嘗之味甘美則罷若苦者
更炊三二升粟米投之以意斟量二七日可食三七日
好熟香美淳醖一盞醋和水一碗乃可食之八月中接
取清別甕貯之盆合泥頭得停數年未熟時一日三日
須以冷水澆甕外引出熱氣勿令生水入

燒餅作酢法

亦七月七日大率麥甕一斗水三斗亦隨
甕中若用黍米投彌佳白倉粟米亦得

日軟溲數升麵作燒餅待冷下之經宿看餅漸消盡更
作燒餅投凡四五度後當味美沸定便止有薄餅綠諸
麵餅但是燒燂
者皆得投之

迴酒酢法

凡釀酒失所味醋者或初好後動味壓者皆宜迴作醋大率五斗米酒醋更著麴末一斗

麥甕一斗并花水一石粟米飯二石攤令冷如人體投之把攪綿幕甕口每日再度攪之春夏七日熟秋冬稍

遲皆美香清澄後一月接取別器貯之

動酒酢法

春酒壓訖而動不中飲者皆可作酢大率酒一斗用水三斗合甕盛置日中曝之雨則盆

蓋之勿令水入晴還去盆七日後當臭衣生勿得怪也但停置勿移動攪撓之數十日醋成衣沈反更香美日

佳久彌

又方

大率酒兩石麥甕一斗粟米飯六斗少煖投之把攪綿幕甕口二七日熟美釀殊常矣

神酢法

要用七月七日合和甕須好蒸乾黃蒸一斛熟蒸麴三斛凡二物温温煖便和之水多少要使

相淹清水多則酢薄不好甕中用經再宿三日便壓之
如壓酒法壓訖澄清內大甕中經三日甕熱必以冷
水澆之不爾酢壞其上有白醃浮接去之滿一月酢成
可食初熟忌澆熱食犯之必壞酢若無黃蒸及麴者用
麥麩一石粟米飯一斛合和之方與黃蒸
同盛置如前法甕常以綿幕之不得蓋

作糟糠酢法

置甕於屋內春秋冬夏皆以穰茹甕下不
茹則臭大率酒糟粟糟中半粗糠不任用

細則泥唯中間收者佳和糟糠必令均調勿令有塊先
內荊葉竹筴甕中然後下糟糠於筴外均平以手按之
去甕口一尺許便止及冷水澆筴外均澆之候筴中水
深淺半糟便止以蓋覆甕口每日四五度以碗杷取筴
中汁澆四畔糟糠上三日後糟熱發香氣夏七日冬二
七日嘗酢極甜味無糟糠氣便熟矣猶小苦者是未熟
更澆如初候好熟乃挹取筴中淳濃者別器盛更汲冷
水澆淋味薄乃止淋法令當日即了糟任飼猪其初杷

淳濃者夏得二十日乃止冬得六十日
後淋澆者止得三五日供食也

酒糟酢法

春酒糟則壓順須糟亦中用然欲作酢者糟常濕者下壓糟極燥者酢味薄作法用石礮

子辣部著切谷令破以水拌而蒸之熟便下揮去熟氣與糟相拌必令其均調大率糟常居多和訖臥於酢甕中以向滿為限以綿幕甕口七日後酢香熟便下水令相淹漬經宿醋孔子下之夏日作者宜冷水淋之春秋作者宜温臥以榷茹甕湯淋之以意消息之

作糟酢法

用春糟以水和粥破塊使厚薄如未壓須經三日壓取清水汁兩石許著熟粟米飯四斗

投之盆覆密泥二七日酢熟美釀得夏停之甕置屋下陰地之處

食經作大豆干歲苦酒法

用大豆一斗熟沃之漬令澤炊曝極燥以酒灌之任性多

少以此
為率

作小豆干歲苦酒法

用生小豆六斗水沃著甕中黍米作饋覆豆上酒三石灌之綿幕甕

口二十日
苦酢成

作小麥苦酒法

小麥三斗炊令熟者罨中以布密封其口七日開之以二石薄酒沃之可久長

不敗也

水苦酒法

取麴粗米各二斗清水一石漬之一宿沸取汁滋米麴飯令熟極熟投甕中以漬米汁隨

甕邊稍稍沃之勿使麴發飯起土張邊
間中央板蓋其上下居十三日便醋

新成苦酒法

取黍米一斗水五升煮作粥麴一斤燒令黃搥破著甕底以熟好泥二日便錯已嘗

經試直醋亦不美以粟米一斗投之
二七日後清澄美醞與大醋不殊也

烏梅苦酒法

烏梅去核一升許肉以五斤苦酒漬數日
曝乾搗作屑欲食輒投水中即成醋耳

蜜苦酒法

水一石蜜一斗攪使調和蜜蓋
甕口著日中二十日可熟也

外國苦酒法

蜜一斤水二合封著器中與少胡蓼子著
中以辟得不生虫正月作九月九日熟以

一銅匕水添之
可三十人食

崔氏曰四月可作酢五月五日亦可作酢

作豉第七十二

作豉法

先作煖蔭屋坎地深三二尺屋必以草蓋瓦則
不佳密泥塞屋牖勿令風及蟲鼠入也開小戶

僅得容人出入厚作葦籬以閉戶四月五月為上時七月二十日後八月為中時餘月亦皆得作然冬夏大寒大熱極難調適大都在四時交會之際節氣未定亦難得所常以四孟月十日後作者易成而好大率常欲令温如人腋下為佳若等不調寧傷冷不傷熱分則穰覆還煖熱則臭敗矣三間屋得作百石豆二十石為一聚常作者番次相續常有熱氣春秋冬夏皆不須穰覆作少者唯至冬月乃穰覆豆耳極少者猶須十石為一聚若三五石不須煖難得所故須以十石為率用陳豆彌好新豆尚濕生熟難均故也淨揚簸大釜煮之中舒如飼生豆搗軟便止傷熱則豆爛澆著淨地揮之冬宜小煖夏須極冷乃內蔭屋中聚至一日再入以手刺豆堆中候看如人腋下煖便翻之翻以耙杪略取堆裏冷豆為心堆之必以次更略乃至於盡冷者自然在內煖者居外還作尖堆勿令坡陀一日再候中煖更翻還如前法作尖堆若熱湯人手者即為失節傷熱矣凡四五度

翻內外均煖微著白衣於新翻訖時便小撥峰頭令平
團團如車輪豆輪厚二尺許乃止復以手候煖則遲翻
翻訖以杷平豆漸薄厚一尺五寸許第三翻一尺第四
翻六寸厚豆便內外均煖悉著白衣豉為初定從此以
後乃生黃衣復揮具令厚三寸便閉戶三日再至三日
閉戶復以杖東西作攏耩豆如穀壠形用稀糗均調杖
剗法必令置地豆若著黃地即便爛矣耩徧以杷耩豆
常令厚二寸間日耩之後豆著黃衣色均是出豆於屋
外淨揚簸去衣布豆尺寸之數蓋是大率中平之言矣
冷即須微厚熱即須微薄尤須以意斟量之簸訖以大甕
盛之半甕水內豆著甕中以杷急拌之使淨若初煮豆
傷熟者急手拌淨則澆出若初煮豆微生則拌淨宜小
停之使豆小軟則難熟大軟則豉爛水多則難淨是以
正須半甕至於澆出著筐中令半筐許一人捉筐一人
汲水於甕上就筐中淋急斗撒筐令極淨水清乃止淘
不潔淨令豉苦澆水盡委著席止先多收谷織於此時

內谷藏於蔭屋窖中梧谷藏作窖底厚二三尺許以蓬蔭蔽窖內豆於窖中使一人在窖中以脚躡豆令堅實內豆盡掩席覆之以谷藏埋席上厚二三尺許復躡令堅實夏停十日春秋十二三日冬十五日便熟過此往則傷苦日數少者豉白而用費唯合熟自然香美矣若自食欲久留不能數作者豆熟取出曝之令乾亦得周年豉法難好易壞必須細意人常一日再看之失節傷熱臭爛如泥猪狗亦不食其傷冷者雖復煖豉味亦急是以又須留意冷煖宜適難於調酒如冬月初作者先須以谷藏燒地令熱勿焦乃淨掃內豆於蔭屋中則用湯澆黍稷裏令煖潤以覆豆堆每翻竟還以初用黍穰周匝覆蓋若冬作豉少屋冷藁覆亦不得煖者乃必須於蔭屋之中內微燃烟火令早煖不爾則寒矣春秋量其寒煖熱冷亦宜覆之每人出皆還謹密閉戶勿令泄其煖熱之氣也

食經作豉法

常夏五月至八月是時月也率一石豆熟
漂之漬一宿明日出蒸之手捻豆破則可

使敷於地地惡者亦可席上敷之厚二寸許豆須通冷
以青茅覆之亦厚二寸許三日視之要須通得黃為可
出茅又薄揮之以手指畫之作耕壟一日再三如此三
日作此可止更著煮豆取濃汁并秫米女麩五升鹽五
升合此豉中以豆汁灑溲之令調以手搏令汁出指間
以此為度畢內餅中若不滿餅以矯桑葉滿之勿抑乃
密泥之中庭二十七日出排令燥更蒸之時煮矯桑葉
汁溲灑之乃蒸如炊熟久可復排之此三蒸曝則成

作家理食豉法

隨作多少精擇豆浸一宿旦炊之與炊
米同若作一石豆熟取生茅臥之如作

女麩形二七日豆生黃衣簸去之更曝令燥復以水浸
令濕手搏之使汁出從指岐間出為佳以著甕器中掘
地作埒令足容甕器燒埒中令熟內甕著埒中
以桑葉蓋豉上厚三寸許以物蓋如此三徧成

作麥鼓法

七月八月月中作之餘月則不佳關治小麥細磨為麵以水拌之而蒸氣餾好熟乃下揮之

令冷手按令細布置蓋亦如麥麩黃蒸法七日衣足亦勿簸揚以鹽湯周徧灑潤之要蒸氣餾極熟乃下揮去熱氣及煖內甕中盆蓋於藁糞中燠之二七日色黑氣香味便熟搏作小餅如神麩形繩穿為貫屋裏懸之紙袋盛籠以防青蠅塵垢之汙用時全餅著湯中煮之色足澆出削去皮粕還舉一餅得數遍煮用熟香美乃勝豆豉打破湯浸研用亦得然汁濁不如前全煮汁清也

八和齋

初稽反

第七十三

蒜一薑二橘三白梅四熟栗黃五稗米飯六鹽七醬八

齋曰欲重

不則傾動起塵蒜復跳出也

底欲平寬而圓

底尖擣不著則蒜有粗成

以檀木為齋臼

梗米硬而不染汗

杵頭大小與杵底相安可

頭杵

著處廣者省手力而齋易熟蒜復不跳也

杵長四尺

以上八棱作之

平立

急春之

春緩則葷臭久則易人春齋宜久熟不可倉卒久坐疲倦動則塵起又辛氣葷灼揮汗或能塵

汗是以須蒜

淨剥指去強根不去則苦嘗經度水者宜以魚眼湯揷碌合半許半生用朝歌大蒜

辛辣異常宜分破去心全

生薑

削去皮細切以冷水和之生布絞去苦汁

可以用香魚羹無生薑用乾姜五升

橘皮

新者直用陳者以湯洗去塵垢

無橘皮可用草橘子馬芹子亦得用五升齋用一兩草

白梅

核用五升齋用八枚足矣

熟栗黃

諺曰金齋玉

不美故加栗黃取其金色又益美味甜五升齋
用十枚粟用黃軟者硬黑者即不中使用也 粳米飯

膾齋必須濃故諺云倍着齋蒜多則辣故加
飯取其甜美耳五升齋用飯如雞子許大 先擣白梅

薑橘皮為末貯出之次擣栗飯使熟以漸下生蒜蒜頭難熟

故宜以漸生蒜難擣故須先下春令熟次下渾蒜齋熟下鹽復春令沫

之起然後下白梅薑橘末復春令相得下醋解之白梅薑橘

不先擣則不熟不貯出則為蒜所殺無復香氣是以臨
熟乃下之醋必須好惡則齋苦大醋經年釀者先以水

調和令得所然後下之慎勿著生水於中令齋
辣而苦純著大醋不與水調醋復不得美也 右件法

止為膾齋耳餘即薄作不求濃膾魚肉裏長一尺者第

一好大則皮厚肉硬不任食止可作鮓魚耳切膾人雖

訖亦不得洗手洗手則膾濕要待食罷然後洗也

洗手則膾

濕物有自然相壓蓋亦燒穰殺瓠之流其理難彰矣

食經曰冬日橘蒜齋夏日白梅蒜齋肉膾不用梅

作芥子醬法

先曝芥子令乾濕則用不密也淨淘沙研令極熟多作者可碓搗下絹漚然後水和

更研之也令悉著盆合著掃帚上少時殺其苦氣多停則冷無復辛味矣不停則大辛苦搏作圓子大如李或餅子任在人意也復乾曝然後絹囊沉之於美醬中須則取食其為齋者初殺訖即下美酢解之

食經作芥醬法

熟搗芥子細篩取屑著甕棄蟹眼湯洗之澄去上清後洗之如此三過而去其

苦微火上攪之少煏覆甌甃上以灰圍
甌邊一宿則成以薄酢蓋厚薄任意

崔寔曰八月取韭菁作搗齋

作魚酢第七十四

凡作鮓春秋為時冬夏不佳

寒時難熟則非鹹不成
鹹復無味兼生蛆宜作闕

也取新鯉魚

魚唯大為佳瘦魚彌勝肥者雖美而不耐
久肉長尺半已上皮骨堅硬不任為膾者

皆堪為鮓也

去鱗訖則臠臠形長二寸廣一寸厚五分皆使

臠別有皮

臠大長外以過熟傷醋不成任食中始可噉
近骨上生腥不堪食常三分収一耳臠小則

均熟寸數者大率言爾亦不可要脊骨宜方斬其肉厚
處薄収皮肉薄處小復厚取肉臠別斬過皆使有皮不

宜令有無皮癢也

手擲著盆水中浸洗去血癢訖澆去更於清

水中淨洗澆著盤中以白鹽散之盛著籠中平板石上

迮去水

世名迮水鹽水不盡令酢

水盡炙一半嘗鹽淡

淡則更以鹽和糝鹹則空下糝不復以鹽按之

炊粃米飯為糝

飯欲剛不宜弱弱則爛

并

茱萸橘皮好酒於盆中合和之

攪令糝著魚乃佳茱萸全用橘皮細切並取香

氣不求多也無橘皮草橘子亦得用酒辟諸邪惡令鮮美而速熟大率一斗鮮用酒半升惡酒不用

布魚

於甕中一行魚一行糝以滿為限腹腴居上

肥則不能久熟須先

食故也魚上多與糝以竹筍交橫帖上

八重乃止無弱蒜蘆葉並可用春冬

無葉時可削竹插甕子口內交橫絡之無竹用著屋中

破葦代之著日中火邊者患臭而不美寒月厚茹勿令凍也赤漿出傾却白漿出味酸便

熟食時手擘刀切則腥

作裏鮓法鱒魚洗訖則鹽和糝十鱒為穰以荷葉裹之唯厚為佳穿破則虫入不復須水浸鎮之

畢三日便熟名曰曝鮓荷葉別有一種香奇相發起香氣又勝凡鮓有菜萸橘皮則用無亦無嫌也

食經作蒲鮓法取鯉魚二尺以上削盡治之用米三合鹽二合醃一宿厚與糝

作魚鮓法剉魚畢便鹽醃一食頃澆汁令盡更洗淨魚與飯裹不用鹽也

作長沙蒲鮓法治大魚洗令淨厚鹽令魚不見五宿洗去鹽炊白飯漬令去水中鹽飯穰清多

飯無苦

作夏月魚鮓法

膏一斗鹽一升八合精米三升炊作飯酒二合橘皮薑半合菜莢二十顆仰著

器中多少以此為率

作乾魚鮓法尤宜春夏取好乾魚若爛者不中截却頭

尾煖湯淨疏洗去鱗訖復以冷水浸一宿一易水數日

肉起漉出方四寸斬炊粳米飯為糝嘗鹹淡得所取生

菜莢葉布甕子底少取生菜莢子和飯取香而已不必

多多則苦一重魚一重飯

飯倍多早熟

手按令堅實荷葉閉

口無荷葉取蘆葉無蘆葉乾筋葉亦得泥封勿令漏氣置日中春秋一月

夏二十日便熟久而彌好酒食俱入酥塗火炙特精脰之尤美也

作猪肉鮓法用肥猪肉淨爛治訖剔去骨作條廣五寸三分易水煮之令熟為佳勿令大爛熟出待乾切如鮓鱗片之皆令帶皮炊粳米飯為糝以茱萸子白鹽調和布置一如魚鮓法糝欲倍多今早熟泥封置日中一月熟蒜齋

薑鮓任意所便脰之尤美矣

脯腊第七十五

作五味脯法正月二月九月十月為佳用牛羊麋鹿野

豕猪肉或作條或作片罷

凡破肉皆須順理不用斜

各自別槌牛羊

骨令碎熟者取汁掠去浮沫停之使清取香美豉

別以冷水

淘去塵穢

用骨汁煮豉色足味調澆去滓待下鹽

適口而已勿使過鹹

細切葱白搗令熟椒薑橘皮皆末之

量多少

以浸脯手揉

令片脯三宿則出條脯須嘗看味徹乃出皆細繩穿於

屋北簷下陰乾條脯浥浥時數以手搦令堅實脯成置

虛靜庫中

著烟氣
味苦

紙袋籠而懸之

置於甕則髒汙若
不籠則青蠅塵汙臘

月中作條者名曰瘰脯堪度夏每取時先取其肥者

肥者

膩不
耐久

作度夏白脯法

臘月作最佳正月二
月三月亦得作之

用牛羊麀鹿肉之

精者

肥不
耐久

破作片罷冷水浸搦去血水清乃止以冷水

淘白鹽停取清水下椒末浸再宿出陰乾浥浥時以木

棒輕打令堅實

僅使堅實而已
慎勿令碎肉出

瘦死牛羊及羔犢彌精

小羔子全浸之

先用煖湯淨洗無
復腥氣乃浸之

作甜肥脯法

臘月取麋鹿肉片厚薄如手掌直陰乾下著鹽脆如凌雪也

作鯉魚脯法

一名鮓魚也

十一月初至十二月末作鹹湯令

極鹹多下薑椒末灌魚口以滿為度竹杖穿眼十箇一

貫口向上於屋北簷下懸之經冬令瘃至二月三月魚

成生剝取五臟酸醋浸食之雋美乃勝逐夷其魚草裹

泥封塘灰中燒

鳥刀切

之去泥草以皮布裹之而槌之白

如珂雪味又絕倫過飯下酒極是珍美也

五味脯法

臘月初作

用鵝鴈鷄鴨鶩鳧鳩兔鶉生魚皆

得作乃淨治去腥竅及翠上脂瓶留脂瓶則臊也全浸勿四破

別煮牛羊骨肉取汁牛羊料得不用浸豉和調一同五味脯

法浸四五日嘗味徹便出置箔上陰乾火炙熟槌亦名

豚腊亦名豚魚腊鷄雉鶉三物去腥藏物開臆

作肥脯法臘月初作任為五味脯者皆中作唯魚不中耳白湯熟煮掠去浮沫

欲出釜時尤須急火急則易燥置箔上陰乾之甜脆殊

常

作滷魚法四時皆得作之凡生魚悉中用唯除鮎鱸上奴嫌反下胡化切

耳去直腮破腹作鮫淨疎洗不須鱗夏月特須多著鹽
春秋及冬調適而已亦須倚鹹兩兩相合冬直積置以

席覆之夏須甕盛泥封勿令蠅蛆

甕須鑽底數孔板引去腥汁汁盡還塞

肉紅赤色便熟食時洗卻鹽煮蒸炮任意美於常魚鮫作

醬燒煎
悉得

羹臠法第七十六

食經作芋子酸臠法猪羊肉各一斤水一斗煮令熟成
治芋子一升別蒸之葱白一升著肉中合煮使熟粳米

三合鹽一合豉汁一升苦酒五合口調其味生薑十兩
得臙一斗

作鴨臙法用小鴨六頭羊肉二斤大鴨五頭葱三升芋
二十株橘皮三葉木蘭五分生薑十兩豉汁五合米一
升口調其味得臙一斗先以八升酒煮鴨也

作鼈臙法鼈具完全煮去甲藏羊肉一斤葱三升豉五
合粳米半合薑五兩木蘭一寸酒二升煮鼈臙鹽苦酒口
調其味也

作豬蹄酸羹一斛法豬蹄三具煮令爛擘去大骨乃下葱頭豉汁苦酒鹽口調其味舊法用錫六斤今除也

作羊蹄臠法羊蹄七具羊肉十五斤葱三升豉汁五升米一升口調其味生薑十兩橘皮三葉

作兔臠法兔一頭斷大如棗水二升酒一升木蘭五分葱三升米一合鹽豉苦酒口調其味也

作酸羹法用羊腸二具錫六觔瓠葉六觔葱頭二升小蒜三升麵三斤豉汁生薑橘皮口調之

作胡羹法用羊脇六斤又肉四斤水四升煮出脇切之
葱頭一斤胡荽一兩安石榴汁數合口調其味

作胡麻羹法用胡麻一斗擣煮令熟研取汁三升葱頭
二升米二合煮火上葱頭米熟得二升半在

作瓠菜羹法用瓠葉五斤羊肉三斤葱二升鹽蟻五合
口調其味

作鷄羹法雞一頭解骨肉相離切肉琢骨煮使熟漉去
骨以葱頭二升棗三十枚合煮羹一斗五升

作筍萹鴨羹法肥鴨一隻淨治如糝羹法醬亦如此筍
四升洗令極淨鹽盡別水煮數沸出之更洗小蒜白及
葱白頭汁等下之令沸便熟也

肺臞

蘇本反

法羊肺一具煮令熟細切別作羊肉臞以粳

米二合生煮之

作羊盤腸雌斛法取羊血五升去中脉麻跡裂之細切
羊胛肪二升細切薑一觔橘皮三葉椒末一合豆醬一
升豉汁五合麵一升五合和米一升作糝都合和更以

水三升澆之解大腸淘汰復以白酒一過洗腸中屈申以和灌腸屈長五寸煮之視血不出便熟寸切以苦酒醬食之也

羊節解法羊肫一枚以水雜生米三升葱一虎口煮之令羊熟取肥鴨肉一斤羊肉一斤豬肉半斤合剉作臙下蜜令甜以同熟羊肫投臙裏便煮得兩沸便熟治羊合皮如豬狔法善矣

羌煮法好鹿頭純煮令熟著水中洗治作臙如兩指大

豬肉琢作臠下葱白長二寸一虎口細切薑及橘皮各
半合椒少許下苦酒鹽豉適口一鹿頭用二斤豬肉作
臠

食膾魚蓴羹芡羹之菜蓴為第一四月蓴生莖而未葉
名作雉尾蓴第一作肥羹葉舒長足名曰絲蓴五月六
月用絲蓴入七月盡九月十月內不中食蓴有蝸蟲著
故也蟲甚細微與蓴一體不可識別食之損人十月水
凍蟲死蓴還可食從十月盡至三月皆食環蓴環蓴者

根上頭絲蓴下莖絲蓴既死上有根莖形似珊瑚一寸許肥滑處任用深取即苦澀凡絲蓴陂池積水色黃肥好直淨洗則用野取色青須別鐺中熱湯暫焯之然後用不焯則苦澀絲蓴環蓴悉長用不切魚蓴等並冷水下若無蓴者春中可用蕪菁英秋夏可畦種茆菘蕪菁葉冬用薺菜以茆之蕪菁等宜待沸掠去上沫然後下之皆少著不用多多則失羹味乾蕪菁無味不中用豉汁於別鐺中湯煮一沸漉出滓澄而用之勿以杓坭坭

則羹濁過不清煮豉但作新琥珀色而已勿令過黑
則醜苦唯蓴芼而不得著葱齏及米糝菹醋等蓴尤不
宜鹹羹熟即下清冷水大率羹一斗用水一升多則加
之益羹清雋甜美下菜豉鹽悉不得攪攪則魚蓴碎令
羹濁而不能好

食經曰蓴羹魚長二寸唯蓴不切鯉魚冷水入蓴白魚
冷水入蓴沸入魚與鹹豉又云魚長三寸廣二寸半又
云蓴細擇以湯沙之中破破鯉魚邪截令薄准廣二寸

橫盡也魚半體熟煮三沸渾下蓴與豉汁漬鹽

醋菹鵝鴨羹方寸准熬之與豉汁米汁細切醋菹與之
下鹽半奠下醋與菹汁

菹菌魚羹魚方寸准菌湯沙中出劈先煮菌令沸下魚
又云先下與魚菌菜糝葱豉又云洗不沙肥肉亦可用
半奠之

奠思丑反筍古可反魚羹筍湯清令釋細劈先煮筍令煮沸

下魚鹽豉半奠之

鯉魚臃用極大者一尺已下不合用湯鱗治邪截臃葉
方寸半准豉汁與魚俱下水中與研米汁煮熟與鹽薑
橘皮椒末酒鯉澀故須米汁也

鯉魚臃用大者鱗治方寸厚五分和煮如鯉臃與全米
糝奠時去米粒半奠若過米奠不合法也

臉臃

上力減反
下初減反

用豬腸經湯出三寸斷之決破切細熬

與水沸下豉清破米汁葱薑椒胡芹小蒜芥並細切鍛
下鹽醋蒜子細切將血奠與之早與血則變大可增米

奠

鯉魚湯芻用大鯉一尺已上不合用淨鱗治及霍葉斜截為方寸半厚二寸豉汁與魚俱下水中與白米糝煮熟與鹽薑椒橘皮屑米半奠時勿令有糝

鮑臙湯燂

徐廉反

去腹中淨洗中解五寸斷之煮沸令變

色出方寸分准熬之與豉清研汁煮令極熟葱薑橘皮胡芹小蒜並細切鍛與之下鹽醋半奠

斬

七艷反

淡用肥鵝鴨肉渾米煮研為候長二寸廣一寸

厚四分許去大骨白湯別煮慲經半月久漉出浙其中
杓迨去令盡羊肉下汁中煮與鹽豉將熟細切鍛胡芹
小蒜與之生熟如爛不與醋若無慲用菰菌用地菰黑
裏不中慲大者中破小者渾用慲者樹根下生木耳要
復接地生不黑者乃中用米奠也

損腎用牛羊百葉淨治令白齷葉切長四寸下鹽豉中
不令大沸大熟則朮但令小卷止與二寸蘇薑末和肉
漉取汁盤滿奠又用腎切長二寸廣寸厚五分作如上

奠亦用入薑齏別奠隨之也

爛熟爛熟肉諧令勝刀切長三寸廣寸半厚三寸半將
用肉汁中葱薑椒橘皮胡芹小蒜並細切鍛并鹽醋與
之別作臠臨用寫臠中和奠有沈將用乃下肉候汁中
小久則變大可增之

治羹臠傷臠法取車轍中乾土末綿篩以兩重帛作袋
子盛之繩繫令堅堅沈著鐺中須臾則淡便引出

蒸魚法第七十七

魚方
九切

食經曰蒸熊法取三升肉熊一頭淨治煮令不闕熊半
熟以豉清漬之一宿生秫米二升勿近水淨拭以豉汁
濃者二升漬米令色黃赤炊作飯以葱白長二寸一升
細切鹽橘皮各二升鹽三合合和之著甑中蒸之取熟
蒸羊肫鵝鴨悉如此一本用猪膏三升豉汁一升合灑
之用橘皮一升

蒸狫法好肥狫一頭淨洗垢煮令半熟以豉汁漬之生
秫米一升勿令近水濃豉汁漬米令黃色炊作饋復以

豉汁灑之細切薑橘皮各一升葱白三寸四升橘葉一升合煮甑中密覆蒸兩三炊久復以猪膏三升合豉汁一升灑便熟也蒸熊羊如狫法鵝亦如此

蒸雞法肥雞一頭淨治猪肉一斤香豉一斤鹽五合葱白半虎口蘇葉一寸圍豉汁三升著鹽安甑中蒸令極熟

魚猪肉法淨燂猪訖更以熱湯遍洗之毛孔中即有垢出以草痛揩如此三遍疏洗令淨四破於大釜煮之以

杓掠取浮脂別著甕中稍稍添水數數掠脂脂盡漉出
破為四方寸變易水更煮下酒二升以殺腥臊青白皆
得若無酒以酢漿代之添水掠脂一如上法脂盡無腥
氣漉出板初於銅鐺中魚之一行肉一行擘葱渾豉白
鹽薑椒如是次第布訖下水魚之肉作琥珀色乃止恣
意飽食亦不餽鳥驛切乃勝燠肉欲得著冬瓜瓠者於
銅器中布肉時下之其盆中脂練白如珂雪可以供餘
用者焉

魚豚法肥豚一頭十五斤水三升甘酒三升合煮令熟
漉出擘之用稻米四升炊先棗薑一升橘皮二葉葱白
三升豉汁凍饋作糝令周醬清調味蒸之炊一石米頃
下之也

魚鵝法肥鵝治解臠切之長二寸率十五斤肉秫米四
升為糝先裝如魚肫法訖以豉汁橘皮葱白醬清生薑
蒸之如炊一石米頃下之

胡炮著教切肉法肥白羊肉生始周年者殺則生縷切如

細菜脂亦切著渾豉鹽擘葱白薑椒華撥胡椒令調造
淨洗羊肚翻之以切肉脂內於肚中以向滿為限縫合
作浪中坑火燒使赤腳灰火內肚著坑中還以灰火覆
之於上更燃炊一石米頃便熟香美異常非著炙之例
蒸羊法縷切羊肉一斤豉汁和之葱白一升著上合蒸
熟出可食之

蒸豬頭法取生豬頭去其骨煮一沸刀細切水中治之
以清酒鹽肉蒸皆口調和熟以乾薑椒著上食之

作懸熟法猪肉十斤去皮切臠葱白一升生薑五合橘皮二葉秫三升豉汁五合調味蒸若七斗米頃下

食次曰熊蒸大剝大爛小者去頭脚開腹渾覆蒸熟擘之片大如手又云方二寸許豉汁煮秫米齏白寸斷橘皮胡芹小蒜並細切鹽和糝更蒸肉一重間未盡令爛熟方六寸厚一寸奠合糝又云秫米鹽豉葱齏薑切鍛為屑內熊腹中蒸熟擘奠糝在下肉在上又云四破蒸令小熟宜肉糝用饋葱鹽豉和之下更蒸蒸熟擘糝在

下乾薑椒橘皮糝在下

豚蒸如蒸熊鵝
蒸去頭如豚

裏蒸生魚方七寸准又云五寸准豉汁煮秫米如蒸熊
生薑橘皮胡片小蒜鹽細切熬糝膏油塗箬十字裏之
糝在上復以糝屈牖纂祖咸反之又云鹽和糝上下與細
切生薑橘皮葱白胡片小蒜置土簋箬蒸之既奠開箬
楮邊奠上毛蒸

魚菜白魚鱸

音賓

魚最上淨治不去鱗一尺已還渾鹽豉

胡片小蒜細切著魚中與菜並蒸又魚方寸准亦云五

六寸下鹽豉汁中即出菜上蒸之奠亦菜上蒸又云竹籃盛魚菜上又云竹蒸並奠

蒸藕法水和稻穰糟搯令淨研去節與蜜灌孔裏使滿
溲蘇麵封下頭蒸熟除麵瀉去蜜削去皮以刀截奠之
又云夏生冬熟雙奠亦得

胘腊煎消法第七十八

胘魚鮓法先下水鹽渾豉擘葱次下豬羊牛三種內暗
兩沸下鮓打破雞子四枚瀉中如淪雞子法雞子浮便

熟食之

食經胙酢法破生雞子豉汁鮓俱煮沸即奠又云渾用豉奠訖以雞子豉帖去鮓沸湯中與豉汁渾葱白破雞子寫中奠二升用雞子衆物是停也

五侯胙法用食板零拊雜鮓肉合水煮如作羹法

純蒸魚法一名魚魚用鱸魚治腹裏去腮不去鱗以鹹豉葱白薑橘皮鮓細切合煮沸乃渾葱白將熟下酢又云切生薑令長奠時葱在上大奠一小奠若大魚成治

准此

暗雞一名魚雞一名雞臙以渾鹽豉葱白中截乾蘇微
火炙生蘇不炙與成治渾雞俱下水中熟煮出雞及葱
漉出汁中蘇豉澄令清擘肉廣寸餘奠之以煖汁沃之
肉若冷將奠蒸令煖滿奠又云葱蘇鹽豉汁與雞俱煮
既熟擘奠與汁葱蘇在上莫按下可增葱白令細也

暗白肉一名白魚肉鹽豉煮令向熟薄切長二寸半廣
一寸准甚薄下新水中與渾葱白小蒜鹽豉清又齏葉

切長二寸與葱薑不與小蒜齧亦可

脂豬法

一名燕豬肉一
名豬肉鹽豉

一如燕白肉之法

脂魚法用鯽魚渾用軟體魚不用鱗治刀細切葱與豉
葱俱下葱長四寸將熟細切薑胡芹小蒜與之汁色欲
黑無醋者不用椒若大魚方寸准得用軟體之魚大魚
不好也

蜜純煎魚法用鯽魚治腹中不鱗苦酒蜜中半和鹽漬
魚一炊久漉出膏油熬之令赤渾莫馬勒鴨消細研熬

如餅臙熬之令小熟薑橘椒胡芹小蒜並細切熬黍米
糝鹽豉汁下肉中復熬令似熟色黑平滿奠兔雉肉次
好凡肉赤鯉皆可用勒鴨之小者大如鳩鴿色白也鴨
煎法用新成子鴨極肥者其大如雉去頭爛治却腥翠
五藏又淨洗細剉如籠肉細切葱白下鹽豉汁炒令極
熟下薑椒末食之

菹綠第七十九

食經曰白菹鵝鴨雞白煮者鹿骨研為准長三寸廣一

寸下杯中以成清紫菜三四片加上鹽醋和肉汁沃之
又云亦細切須加上又云准訖肉汁中更煮亦啖少與
米糝凡下醋下紫菜滿奠焉

菹肖法用豬肉羊肉鹿肥者齷菜細切熬之與鹽豉汁
細切菜菹菜細如小蟲絲長至五寸下肉裏多與菹汁
令酢

蟬脯菹法槌之火炙令熟細擘下酢又云蒸之細切香
菜置上又云下沸湯中即出擘如上香菜蓼法

綠肉法用豬雞鴨肉方寸准熬之與鹽豉汁煮之葱薑
橘胡芹小蒜細切與之下醋切肉名曰綠肉豬雞名曰
酸

白淪

淪煮也
音藥

肫法用乳下肥肫作魚眼湯下冷水和之

擘肫令淨罷若有麤毛鑷子拔去柔毛則剔之茅蒿葉
揩洗刀刮削令極淨淨揩釜勿令渝釜渝則肫黑絹袋
盛狫酢漿水煮之繫小石勿使浮出上有浮沫數掠去
兩沸急出之及熱以冷水沃豚又以茅蒿葉揩令極白

淨以少許麵和水為麵漿復絹袋盛狹繫石於麵漿中
煮之掠去浮沫一如上法好熟出著盆中以冷水和煮
臍麵漿使煖煖於盆中浸之然後擘食皮如玉色滑而

且美

酸臍法用乳下臍燻治訖并骨斬臍之令片別帶皮細
切葱白豉汁炒之香微下水爛煮為佳下粳米為糝細
擘葱白并豉汁下之熟下椒醋大美

齊民要術卷八